

آذربایجان مجلس مؤسسان ملی سینین قرارلاری

سه شنبه گونو، آبان آیین ۲۹ ندا آذربایجان خلقینین بویوک ملی کنگره سی آقای پیشه ورینین عمومی اوضاع حقیقده و نردیگی معلوماتی مذاکره نئدیکن سونرا آشاغیداکی قراری اتفاق آراء ایله قبول ندیر.

- ۱- بویوک دموکراتیک ملتترین فداکارلیغی نتیجه سینده دیکتاتورلوق، زورگولوق و نژاد اوستونلوگو تبلیغ نده ن قوه لرین ابدی اولراق یئنیلدیگی و بوتون ملتله نوزونو اداره نتمک، نوز مقدراتینا حاکم اولماق امکاتی وجوده گلدیگی حالدا، آذربایجان خلقی تمام معناسیله بیر ملت کیمی آیاغا قالیب نوز طبیعی و قانونی حقیقه نوز گوجویله مالک اولماق ایستیر.
- ۲- خلقیمیز سؤتفاهم و تهملتره یول و نر مه مک ایچون نوز مقدراتینی اله آدیغی حالدا نولکه میزین ایراندان آیریلما ماغی نی اعلان ندیر و بوتون ایران خلقلریله قارداشلیغینی حفظ نتمه گی نوزونه وظیفه بیلیر.
- ۳- ملی کنگره آزادلیق دشمنلرینین افترا و تهملترینین ایندینن قاباغینی آلماق ایچون آچیق و آیدین صورته آذربایجانین ایراندان آیریلما سی و یا اونون آیری مملکته الحاق انتشاراتینی جدی صورته تکذیب ندیر.
- ۴- آذربایجان خلقی مشروط اصولونا صادق قالیب قانون اساسینین دموکراتیک اصللرینی اجرا نتمگه چالیشاجاقدیر.
- ۵- عمومی مشروطه قانونلارینی مراعات نتمکله برابر آذربایجان خلقی نوزونون داخلی ایشلرینی اداره و ملی مختاریتینی تأمین نتمک ایچون قانون اساسین استفاده ندیب انجمن ایالتی تشکیلاتینی بیر قدر گنیشلندیریب اونا مجلس ملی آدی و نریر. ایران داخلینده ایرانین تمامیت و استقلالینی هنج وجهله خللدار نتمه دن نوزونون ملی حکومتینی وجوده گتیریر.

- ۶- بویوک خلق میتینگلرینین قرارینا گۆزه خلق کنگره سی آذربایجان دموکرات فرق سینین تشبوئو و رهبرلیگی ایله مجلس ملی و ولایت انجمنلری و مجلس شورای ملی انتخاباتینین قوریتله باشلانماسینی قرارا آلیر.
- ۷- هر بیر ملتین نوز مقدراتینا حاکم اولماسی او وقت امکان پذیر اولابیلر که، او ملت یاشادیغی نولکه نی اداره نتمک ایچون اساسی قانونلارا مالک اولابیلسین. بیز چوخ یاخشوی بیلیریک که، تهراندا تمرکز تپمیش مرتجعلر خلقیمیزه بو اختیاری و نر میه جک. بلکه نوزلرینین خائن اراده لرینی خلقه و مملکته تحمیل نتمک ایچون بیزیم قاباغیمیزا انگلرده چیخارماقدان گۆز یونماق ایسته یه جکلر. اونا گۆزه بویوک کنگره خلقیمیزین آرزو و طلباتینی عملی نتمک ایچون جدی قدم گۆتوروب نوزونو مؤسسدر مجلسی اعلان ندیر. ملی مختاریتیمیزی محکم پایه اوستونده قورماق ایچون مجلس ملی وجوده گنیریر.
- ۸- طبیعیدیر که، سیاسی، ملی، اقتصادی و فرهنگی مختاریتته مالک اولمادان ملی مختاریت بوش سۆزدن عبارت اولوب قالار. بو نقطه نظرده مجلس مؤسسان ملی بیر حکومت یاراتماسینی و مستقیماً داخلی ایشلریمیزین بو حکومت واسطه سیله اداره ندیلمه سینی تأخیرسیز بیر صورتده لازم گۆرور.
- ۹- مجلس ملی انتخاباتی قورتاریب ملی حکومت رسمیت تاپان گونه دک کنگره نوز نماینده لریندن اوتوز دوقوز نفرلیک هیئت ملی نامیله بیر هیئت انتخاب ندیر و قبول نندیگی قرارلارین اجراسینی بو موقتی هیئته تاپشیریر.
- ۱۰- بو هیئت ملی مجلس تشکیل تاپان گونه قدر آذربایجان خلقینین ملی ایشلرینی اداره نده جک مجلس ملی تشکیل اولان کیمی اونون وظیفه سی خاتمه تپمیش اولاجاقدیر.

- ۱۱- مرکزده و شهرستالاردا باشلانان انتخاباتی تأمین نتمک و هیئت ملینین امنیتینی حفظ نتمک ایچون کنگره ی ملییه هر نوع تدبیر گورمگه گنجیش اختیار وئرلییر.
- ۱۲- ملی کنگره دولت اداره لرینین باشیندا دوران مأمورلاردان هیئت ملییه تابع اولوب اونون گؤستریشلرینه و نظارتینه اطاعت نتمه گی طلب ندیر و بونون خلافینا رفتار ندیب نوزونو حاکم مطلق گؤستریمک ایسته ین لرین تنزلیکله دولت اداره لریندن اخراجینی لازم گؤرور.
- ۱۳- ملی کنگره بوتون دولتی مدرسه لرده آذربایجان دلینین، مجبوری صورتده، تدریس ندیلمه سینی هیئت ملییه تاپشیریر و بو ملی وظیفه نی انجام وئریمگه مانع اولانلاری آذربایجان خلقینین دشمنی حساب ندیب اونلارین ارتجاعی فکر و خاناناه حرکتلرینه مانع اولماق ایچون جدی تدبیرلر گؤرسون.
- ۱۴- کنگره پلیس، ژاندارم و آرتش تشکیلاتی ترکیبینی پوزماق فکرینده دنیلدیر. اونلار نوز رسمی لباس و درجه لرینی حفظ و وظیفه لرینی انجام وئریمگه دوام ندیرلر. لاکن اگر اونلاری اداره نده نلردن بیزیم ملی مختاریتیمیزین علییه بیر ایش باش وئرسه، هیئت ملییه اختیار وئرلییر که، اونلارین خیانتلرینین قباغینی آماق ایچون جدی تدبیرلر گؤرسون.

کتاب منبع سی: شهریورین اون ایکی سی

۱۳۲۴ - ۱۳۲۵

آذربایجان دموکرات فرقه سینین بیرنجی ایل دونومی مناسبتیه

مرکزی تبلیغات شعبه سینین نشریه سی

تبریز ۱۳۲۵

تایپ الیین: یاشار آذری

کتابخانانین اینترنت آدرسه: <http://www.javaan.net/nashr.htm>

پست آدرسه: BM IWSN, London WC1N ۳XX, UK

ایمل آدرسه: yasharazarri@yahoo.com

نشر کارگری سوسیالیستی نین مسنوله: یاشار آذری

تایپ الیین تاریخ: ۱۳۸۵